

Aiestaran Goena Goikoa

(Aistrangone Goikoa)



ARANBURU GARMENDIA familia

AISTRANGONE omen da Zaldibiko baserririk zaharrenetakoa, eta horregatik ematen dio auzoari izena: Aiesteran-Erreka.

Bere inguruko baso eta zelaien izenen artean dauzkagu *Etxertxo*, *Zelai-Txiki*, *Olasasti*, *Elatxiki*, *Etxaburu*, *Erlaundi*. Aistrangone baserrikoek bi izengoiti dituzte gogoan: Teniente eta Mozo.

Etxe-jabe dira 1978tik aurrera. Hala ere, aurretik baserria handituz joan zen, artean maizter izanagatik.

Konponketa-aldi asko izan ditu *Aistrangoenak* alde honetan. Garmendia-Erauskin familian ez omen zen erraz izan konponketak egiten hastea. Etxekoandreak, Josefa Mari Erauskin, baserria konpondu egin nahiko zuen eta etxeako jaunak, Matias Garmendiak berriz, atzeratu egin nahi zuen obra. Orduan etxeakoandreak pentsatu omen zuen kanpoan zeuden semeak bazkaltzera etortzen zirenean, gaia haiei aterarazi behar ziela. Hala, seme-meren batek atera du gaia eta aitak ezezkoa esan aurretik ama semearen alde jarri omen zen, eta aita, horretaz jabetuta izan arren, konponketak egin egin omen ziren.

Demetria Garmendia Erauskin geratu zen etxerako eta bere senarra Patxi Aranburu, oso esku onekoa omen zen, eta hark ere etxea barrutik berak konpondu omen zuen. Azken konponketak 1980an eginak dira.

Baserritik errepide bitartean aldapa dago. Oinez herriko plazatik hoge minutura dago. Herriko bi-dea 1954 inguruan egin zen.

1908an ezkondu ziren Matias Garmendia, bertako semea, eta Josefa Mari Erauskin, *Urtukorta* baserriko alaba. 1946an ezkondu ziren, berriz, Patxi Aranburu, *Arruabarren* baserriko semea, eta Demetria Garmendia Erauskin, bertako alaba. Zaldibin ezkondu, otordua etxean egin eta ezkontz-bidaia Zaragozara egin omen zuten.

Baserrian baziren behiak eta idiak. Hiru behi eta bi idi, baina Aiesteran Goenakoak artzai ziren Enerion. Erleak ere bazituzten etxean. Ordiziako ferian saltzen zuten. Etxerako dena baserritik ateratzen zuten.

Hazaldi gehienetan baserrian bezala baserritik kanpo ere lan egin dute bertan bizi izan direnak. Artzai, Zentralean, Fabrika Handian, Indarreanean... Baita herritik kanpo joan ere "trozoetara", alegia, trenbideak egitera. Horretan ari zirela hil omen ziren XIX. mende erdi aldean, 1880 aldera, bi zaldibitar Lekunberrin, bata Arruabarrena Murua, *Olaldeko* semea, eta bestea Garmendia Murua, *Aistrangonekoa*, lehengusuak.



Informazio emailea: Maria Dolores Aranburu Garmendia



GARMENDIA ERAUSKIN familia. 1938

Zutik, ezker-eskubi:

Alejandro, Joxe Mari, Josefa Mari Erauskin Irastortza (ama),
Matias Garmendia Apaolaza (aita), Demetria, Mari Kruz.
Eserita, ezker-eskuin: Kandido, Maria Rosario, Matilde,
Inaxio.



Matias Garmendia Apaolaza (aita) Sevillan.



GARMENDIA ERAUSKIN familia, etxe aurrean. 1955

Josefa Mari Erauskin Irastortza eta Matias Garmendia
Apaolaza.



GARMENDIA ERAUSKIN familia. 1955

Zutik, ezker-eskubi: Maria Rosario, Joxe Mari, Demetria.
Eserita: Josefa Mari Erauskin Irastortza (ama), Matias
Garmendia Apaolaza (aita).



ARANBURU GARMENDIA familia. 1954

Zutik, ezker-eskubi:

Josefa Mari, Demetria Garmendia Erauskin (ama),
Patxi Aranburu Goikoetxea (aita) eta Matias.
Eserita, ezker-eskuin: Mari Kruz, Joxe Mari, Maria Dolores.